

JU NARODNO POZORIŠTE SARAJEVO
Obala Kulina bana br.9
www.nps.ba

Na osnovu člana 27. Stav(1) alineja 2 i člana 29. stav 1. Zakona o ustanovama ("Službeni list RBiH", broj 6/92, 8/93 i 13/94), člana 23. stav (1) Zakona o pozorišnoj djelatnosti („Službene novine Kantona Sarajevo“, broj: 42/13 - Prečišćeni tekst i člana 1. Zakona o izmjenama i dopunama Zakona o pozorišnoj djelatnosti, broj: 6/16), člana 7. stav 1. i 8. stav 1. i 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 42. stav (2), 43, 44. i 45. Pravila JU Narodno pozorište Sarajevo, broj: 05-2637/16 od 17.05.2016.godine i člana 2. Pravila o izmjenama i dopunama Pravila JU Narodno pozorište Sarajevo, broj: 05-3759/18 od 08.08.2018.godine i Odluke v.d. Upravnog odbora JU Narodno pozorište Sarajevo, broj: 05-1740/21 od 23.06.2021 godine, v.d. Upravni odbor raspisuje

K O N K U R S
za imenovanje direktora Javne ustanove Narodno pozorište Sarajevo

1) Opis pozicije direktora Javne ustanove Narodno pozorište Sarajevo:

zastupa i predstavlja ustanovu prema trećim licima, odgovoran je za zakonitost rada ustanove, predlaže Upravnom odboru mjere za efikasno i zakonito obavljanje djelatnosti radi koje je ustanova osnovana, unutrašnju organizaciju i sistematizaciju poslova i osnove planova rada i razvoja ustanove, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, naredbodavac je u izvršenju finansijskog plana, podnosi Upravnom odboru ustanove izvještaj o finansijskom poslovanju, vrši i druge poslove i ima druge dužnosti i prava utvrđena zakonom i opštim aktima ustanove, u skladu sa zakonom.

2) Za direktora Pozorišta može biti imenovano lice koje ispunjava opšte i posebne uslove:

Opšti uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),
- da nije osuđivan za krivično djelo i privredni prestup nespojiv sa dužnošću direktora (pribavlja se po službenoj dužnosti samo za izabranog kandidata),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u FBiH,
- da je zdravstveno sposoban za obavljanje dužnosti direktora.

Posebni uslovi:

- a) visoka stručna sprema VII stepena, odnosno visoko obrazovanje drugog ili trećeg ciklusa Bolonjskog sistema studiranja, jedna od umjetničkih akademija ili filozofski fakultet,
- b) najmanje sedam godina radnog staža nakon sticanja fakultetske diplome,
- c) najmanje četiri godine radnog iskustva na rukovodnim poslovima iz oblasti kulture,

- d) društveno verificirana priznanja za rezultate postignute u oblasti kulture i umjetnosti,
- e) da se ističe organizacionim sposobnostima i društvenim radom,
- f) predložen Program rada sa finansijskim i kadrovskim planom za mandatni period.

3) Kandidat koji se prijavljuje na javni konkurs treba dostaviti dokaze o ispunjavanju uslova u originalu ili ovjerenoj kopiji i to:

- svojeručno potpisanu prijavu na konkurs sa kontakt podacima,
 - biografiju,
 - diplomu o završenoj školskoj spremi,
 - izvod iz matične knjige rođenih,
 - uvjerenje o državljanstvu (ne starije od 6 (šest) mjeseci,
 - ovjerenu izjavu od nadležnog organa da nije otpušten iz državne službe kao rezultat disciplinske mjere,
 - ovjerenu izjavu od nadležnog organa da nije pod optužnicom Međunarodnog suda za ratne zločine u bivšoj Jugoslaviji,
 - ovjerenu izjavu od nadležnog organa da nije na funkciji u političkoj stranci,
 - ovjerenu izjavu od nadležnog organa da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u F BiH,
 - ovjerenu izjavu od nadležnog organa da kandidat nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini. (Ukoliko je kandidat predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa navedenih pozicija),
 - ljekarsko uvjerenje (samo za izabranog kandidata),
 - potvrdu ili uvjerenje o najmanje sedam godina radnog staža nakon sticanja fakultetske diplome,
 - potvrdu ili uvjerenje o najmanje četiri godine radnog iskustva na rukovodnim poslovima iz oblasti kulture,
 - dokaze o društveno verificiranim priznanjima za rezultate postignute u oblasti kulture i umjetnosti,
 - program rada Pozorišta sa finansijskim i kadrovskim planom za mandatni period.
- 4) Direktor Pozorišta se imenuje na mandatni period od četiri godine.
- 5) Kandidati koji dostave blagovremenu i potpunu dokumentaciju biće pozvani na intervju.
- 6) Konkurs će se objaviti u dnevnom listu "Dnevni avaz", "Službenim novinama FBiH", web stranici Javne ustanove Narodno pozorište Sarajevo i web stranici Ministarstva kulture i sporta Kantona Sarajevo.
- 7) Konkurs ostaje otvoren petnaest (15) dana od dana posljednjeg objavljivanja.
- 8) Sve dokumente je potrebno priložiti u originalu ili ovjerenoj kopiji.
- 9) Nepotpune i neblagovremene prijave neće biti uzete u razmatranje.
- 10) Prijavu sa traženim dokumentima dostaviti lično na Protokol ustanove ili poštom preporučeno na adresu:

JU Narodno pozorište Sarajevo
Ul. Obala Kulina bana br.9
ili na Protokol - soba br.16

sa naznakom:

**"Prijava na Konkurs za imenovanje direktora
Javne ustanove Narodno pozorište Sarajevo – "ne otvarati"."**